

جریدہ علیہ

مشيخت جليله اسلاميه نك جريدہ رسميه ميبر

۱۵ جمادی الاولی ۱۳۳۸

عدد ۵۳

اون بش کونده بر نشر اولنور

بشغي منه

مجلس عمومینک کشادی

ذات معالی صفات حضرت پادشاهینک مزاج هایونلری دوچار انحراف اولمسی حسبیلله شرفضادر اولان اراده سنیة ملوکانه موجینجه مجلس عمومی ۱۲ کانون نانی ۳۳۶ بازار ايرتسی کونی ذات سامی صدر اعظمی جانبندن بالوکاله وسطی ساعت ایکیده مراسم معتاده ایله کشاد اوله رق صورتی زیرده پیرایه ستون تجیل اولان نطق افتتاحی داخلیه ناظری محمد شریف پاشا حضر تلری طرفندن قرائت ایدلمشدر .

نطق افتتاحی هایون صورت منیفه سی



محترم اعیان ومبعوثان

« دردنجی دوره انتخابیه نك برنجی اجتماعنی کشاد ایلدیکمدن بو وسیله ایله ده درگاه »
« کبریایه عرض حدو ثنا ایدرو جمله کزه بیان خوش آمدی ایلرم . اجزاء ممالک شاهانه مدن »
« بولندینی حالد انتخاب اجرا ایدیه میان محللردن مبعوث چیقاریله مدینی ایچون اظهار »
« تأسف ایدرم . »

« بالقان حربندن هنوز چیقلدینی و کرفتار اولدیغمز ضایعات وخساراتی تلافی وتضمینه »
« چالیشمق لازم کدیکی برصرده ظهور ایدن حرب عمومی یه منافع ملک وملت خلافتده »
« اشتراک ایدلمسیله هنوز یورغونلغنی اله میان بنیه دولتک و ماتمی اونوته میان ملتک اوغرا دینی »
« آلام ومصائب جمله نك کوزی اوکنده در . رفقای مساعیسنی بیله خبردار ایتماک »
« صورتیه وسائل حربی احداث ایدنلرک حرکت غیر مشروعه سندن واثنای حربده »
« ارتکاب اولتان سیانندن سلطنت وملتک بری الذمه اولدینی شهه سزدر . »

« دول ائتلافیه یله عقد اولتان متارکه نك تاریخنده امثالی اولمدینی وجهله اون درت »
« ماهدن بری دوام ایتسی و حال متارکه ده بعض اقسام ممالک شاهانه مزک اشغال اولنمسی »

« مملكتده احوال طبيعيه نك عودتنه مانع اولديني كي يونانيلر طرفدن وطنمرك برجزء
« لاييفكي بولنان ازميزه تجاوز وقوعى مشكلاتى و غليان عامه يى بر قاندها ترييد واوراده
« اهالى محليه حقنده روا كوريلان مظالم و تعديات تاثرات قليه مزي تشديد ايتشدرد . »

« افنديلر ! شو آن مهمده وضعتيمرك وخامق محتاج تعريف دكلدر . كياست
« وبصيرت و منات و حيت موجب فوز و سلامت و منتيج موفقيتدر . عدالت جمعيت
« بشريه نك اسالاسايدرد . (الحق يعلو ولا يعلى عليه) بر قضيه مسالمه در . »

« بر ملتك حربده مغلوب اولمسي حق مكنتسي اولان موجوديت سياسيه سنى خللدار
« ايدميه جكندن حقوق و منافع دولك و قايه سنده هيئت تشريعه ايله و كلامن طرفدن
« متحداً صرف مساعى و غيرت و حكومتجه هر درلو تشبثات سياسيه معقوله نك كمال رويتله
« اجراسنه مداومت اولنديني و بتون مات منافع حيايه مقدسه سنى محافظه خصوصنده
« يكدل و يكو وجود بولنديني حالده دولتمرك وحدتى و ملت عثمانيه نك شرف و حيثيتنى
« تأمين ايدجك بر صلحك ميسر اوله جفنى و ولايات مشغوله مرك قورتوله جفنى الطاف
« سبحانيه دن اميد ايدرم . بناء عليه هر درلو تفرقه و شقاقدن توقي ايديلهرك بتون آمال مليه نك
« فلاح وطن نقطه سنده اتحادى مرتبه وجوده در . »

« ممالك شاهانه مرك حسن اداره سى ضمنتده وقت وقت موقع تطبيقه قولتق ايسته نيلن
« اصلاحاتدن بر طاقم اسباب حيلوليله تماماً اقنطاف ثمرات اولنه مديني غير منكر اولوب
« حال بوكه عصر ك ايجاباتنه توفيقاً مملكتك محتاج اولديني معمورى و تبعه نك رفاه و امنيتنى
« استحصال ايجون بحق مشمر اوله جق اصول و قواعد دائره سنده احكام جديده و اساسيه
« وضعى لازمه دندر . اشبو تشبثاتك حيز حصوله و صولى ايجون حكومتسز جه كوستريه جك
« عزم قطعى به هيئت تشريعه طرفدن ده علاوه اهتمامات اولمسي و تاثيرات حربيه نك
« پي در پي ازاله سيله تشكيلات اداره نك بر فكر متين تجدد ايله ازسرنو تنظيم قلممسي و بو
« ميانده عناصر عثمانيه دن اقليتلرك تأمين حقوقى مثللو مواد مهمه نك نظر دقتدن دور
« طوئنامسى اخص آملزدر . »

« دولتك احوال ماليه سى سنه لردنبرى دوام ايدن محارباتدن بك زياده متأثر اوله رق
« ديون عتيقه سنه بر طاقم ديون جديده انضمام ايتدكدن باشقه داخل ممالكده ايضاع اولان »

« تخریبانك تلافیسی ایچونده بر بار عظیم دهاتحمل ایدلک ایجاب ایده جکی جهتله بعد الصلح »
 « مملکتک قوه استحصالیه سنی تزید ایده جک اساسلی بر طاقم تدابیر و تشبثات موقع »
 « اجرایه وضع اولنق اوزره بریاندن امور مالیّه ده تصرف و اقتصاده رعایت و مثمر اولمیان »
 « مصارفدن بجانب قلنمق الزمدر . »

« حکومتزک مساعیسی وطن و ملتک سلامتی اسبابی استحصاله مصروف اولدیغی »
 « کبی سز لركده منافع عالیه مملکتی هر شیئه تقدیم ایله مسئولیت حکومتی در عهده ایدلرله »
 « قارشی مراقب و مظاهر حقیقی اولمکزی توصیه ایدر و قطعاً یأس و فتوره دوچار اولموب »
 « عهده کزّه ترتب ایدن مشکل وظیفه لرك ایفاسنده توفیقات الهیهیه مظهر بتکزی جناب »
 « واجب الاملدن نیاز ایله مجلس عمومی بی کشاد ایلرم . »

نطق هایونک قرائتی ختام بولدقندن و نقیب الاشراف افندی حضرتلری طرفندن
 بردعای اجابت اتما تلاوت ایدلر کدن صکره اعیان و مبعوثان بروجه آتی تحلیف اولمشلردر .
 « ذات حضرت پادشاهییه و وطنمه صداقت و قانون اساسی احکامنه و عهدمه تودیع
 اولنان وظیفهیه رعایتله خلافتدن بجانب ایلیه جکمه والله »



— معالی اسلامیه دن بر نمونه واسقولا ستیکک، ماهیتی —

دین عالی اسلامک بر بحر زخار معالی و بر منبع بی انتهای کلمات اولدیغنده شبهه یوقدر .
 هانکی بر حکم و هانکی بر اساسنه نظر اولنسه ضمننده بی نهایت حکمتلر ، منفعتلر ، فائده لر ،
 حقیقتلر عرض دیدار ایدر و بر حقوق حیرتلی موجب اولور .

بودینک خواص ممیزه سندن بریسی دنیاده انک یوکسک ارباب دهایی ایلک نظرده
 جلب و جذب ایدرک کندیسنه خادم قیلمسی و مجرد کندیکن نور ارشاد و فیض
 معالیه دنیایه نیجه نیجه اعظم علما ، افاضم حکما یتشدرمش اولمیتیدر . بودینک نصل
 بر دین اولدیغنی سفهادن دکل ، تحصیل عادی اصحابندن دکل ، ارباب غرضدن دکل ، منصف
 بی طرف فحول علمادن ، اساطین حکمادن ، علومده راسخ اولان جهابذه دن صورملیدر .
 بودین حقیقه هر کسک شهادتی مسموع اولماز و شاهد اولانکده هر کس مزکیسی اوله ماز